

## METROMAHALA

## 'Hitno, hitno!': Edukativna dječija predstava o poplavama



02. 06. 2014. u 10:34:03

Radiosarajevo.ba

Projekt **Hitno, hitno!** je volonterska inicijativa bosanskohercegovačkih scenskih i likovnih umjetnika/ca i muzičara/ki nastala iz potrebe da se djeca s teritorija zahvaćenih poplavama i područja ugroženih klizištima u BiH educiraju o pravilnom odnosu i ponašanju u novonastaloj situaciji.

Projekt *Hitno, hitno!* će putem **dječije predstave** skrenuti pažnju na neophodne mjere u prevenciji širenja zaraznih bolesti kao što su važnost pravilnog provođenja lične higijene, pravilan odnos prema konzumiranju hrane i pića, zaštiti mjesta stanovanja, te upoznati najmlađe s opasnostima od mina.

Volonteri na terenu su svjedočili da djeca u poplavljenim područjima i područjima klizišta nisu svjesna da ne smiju dolaziti u dodir s predmetima i hranom koji su bili pod vodom, da ne smiju samovoljno da odlaze na lokacije koje su kontaminirane te da moraju biti oprezni pri kretanju jer je uslijed poplava i klizanja tla došlo do pomjeranja minskih polja.

**Glumci i glumice će u timovima posjetiti lokacije zahvaćene poplavama i smještaje za djecu** izmještenu sa područja klizišta i izvesti petnaestominutnu predstavu nakon koje će kroz interaktivnu radionicu djecu provesti kroz situacije prikazane u predstavi, kako bi što bolje usvojili koristan sadržaj na zabavan način. Potom će uslijediti likovna radionica terapijskog karaktera.

U projektu učestvuju umjetnici i umjetnice: Ermin Bravo, Maja Izetbegović, Boris Ler, Alban Ukaj, Jasmila Žbanić, Arma Tanović, Ana Mia Milić, Lejla Hodžić, Sanin Milavić, Kemal Čebo, Senad Alihodžić, Maja Zećo, Nina Đogo, Irma Alimanović, Lana Delić, Hamdija Salihbegović, Narda Nikšić i drugi. Prva izvedba predstave *Hitno, hitno!*, a nakon toga i interaktivna umjetnička radionica je realizirana **31. maja u Vogošći u Dječijem odmaralištu Crvenog krsta Jošanica**.

Podršku projektu su osigurali UNDP, UNICEF, British Council, Terra Dinarica, Meeting Point.

Za sve informacije o projektu posjetite [Facebook stranice Hitno, hitno!](#) i Udruženje Kontakt, a iste možete dobiti i putem mail-a [kontaktudruzenje@ymail.com](mailto:kontaktudruzenje@ymail.com).

## OSTALO IZ RUBRIKE



Sarajevo / Gazi Husrev-begova biblioteka obilježava 484. godišnjicu osnivanja i rada

0 11

1 min



Poslušajte/ Dvije sjajne umjetnice, obje s imenom Belma, objavile online koncert

0 8

1 min



Kultura / Predstava "Nigdje nikog nemam" na sceni Sarajevskog Ratnog Teatra

0 2

1 min

Sva prava pridržana.

Zabranjeno preuzimanje sadržaja bez dozvole izdavača.